



Cyfarfod Rhanddeiliaid Sector Ysgolion Taith - Crynodeb
Dydd Llun, 15 Ionawr 2024
12.30– 1.30pm
Cyfarfod a gynhaliwyd dros Teams

Rhestr o'r bobl a fu'n bresennol	
Yn bresennol:	Rebecca Payne, Taith (Cadeirydd) Alan Thomas-Williams, Addewid Caerdydd Sian Smith, Ysgol Uwchradd Llanwern Sharon Flint Wood, Dolen Cymru Cath Moulago, Dolen Cymru Amanda Morgan, International Links Global (ILG) Lisa Reid, Ysgol Llanhari Lisa Williams, Ysgol Gyfun Cwm Rhymni
Cyfieithydd	Sion James
Ymddiheuriadau:	
Swyddog Gweithredol Rhaglen Taith (TPE):	Ellie Bevan Claire Richardson
Ysgrifenyddiaeth gynorthwyol:	Bethan Williams

Cofnodion	
Eitem ar yr agenda	Eitem
1	Croeso a chyflwyniadau
1.1	Croesawyd aelodau i'r cyfarfod ac fe'i dywedwyd er nad oedd hwn yn grŵp penderfynu, byddai'r trafodaethau a'r adborth o'r cyfarfodydd hyn yn llywio unrhyw gynigion a gyflwynwyd i Fwrdd Cyfarwyddwyr ILEP Ltd.
1.2	Dywedwyd wrth aelodau fod y cyfarfod yn cael ei recordio i gefnogi'r broses o gymryd cofnodion a gofynnwyd iddynt ddefnyddio'r llaw rithwir er mwyn cyfrannu at y trafodaethau.
1.3	Hysbyswyd aelodau fod cyfieithu ar y pryd ar gael a bod croeso iddynt ofyn cwestiynau yn Gymraeg.
1.4	Atgoffwyd aelodau am doriadau diweddar Llywodraeth Cymru i gyllidebau, a bod hyn yn golygu toriad o 50% i Taith mewn termau real. Mae ymarfer modelu ariannol wedi'i gynnal sy'n amlinellu opsiynau er mwyn rheoli'r toriad hwn a dosraniad cyllid. Cyflwynwyd y modelu gan Fwrdd ILEP i Lywodraeth Cymru i'w ystyried a bellach, rydym yn aros am ymateb gan Weinidog y Gymraeg ac Addysg. Bydd hyn yn nodi'r gyllideb sydd ar gael ar gyfer Llwybr 1 2024, i'w lansio'r mis hwn. Caiff aelodau eu hysbysu cyn gynted ag y caiff ei chadarnhau.
1.4a	Gofynnwyd a fyddai'r gymhareb i ysgolion yn parhau fel y mae gyda'r gyllideb newydd.
1.4a(i)	Hysbyswyd nad oedd opsiwn yn y modelu lle byddai ysgolion yn derbyn llai'n gymesur nac yn flaenorol.
1.4a(ii)	Ymhellach, esboniwyd nad oedd bwriad i leihau cyllid sydd eisoes wedi'i ddyrannu ar gyfer Llwybr 1 a 2 2022 neu 2023. Yr unig gafeat oedd yn achos estyniadau i brosiectau. Byddai'n rhaid craffu ar ofynion mewn mwy o fanylder.
1.4b	Gofynnwyd sut y bydd yr wybodaeth yn cael ei rhannu pan fydd y Gweinidog yn penderfynu ar yr opsiwn modelu.
1.4b(i)	Hysbyswyd aelodau y byddai hynny'n fwyaf tebygol o fod drwy gylchlythyr Taith.

2	Crynodeb a chymau gweithredu o'r cyfarfod blaenorol
2.1	Cytunodd Bwrdd Cyfarwyddwyr ILEP Ltd. y bydd y gofyniad sylfaenol ar gyfer cyfranogwyr o grwpiau sydd wedi'u tangynrychioli yn 25%. Gall sefydliadau barhau i gyflwyno ceisiadau ar gyfer prosiectau staff yn unig, ond bydd angen tystiolaeth glir y bydd y prosiect yn dal i gael effaith uniongyrchol ar ddysgwyr o grwpiau sydd wedi'u tangynrychioli. Bydd hyn yn berthnasol i brosiectau o 2024 ymlaen.
2.2	Mae'r newidiadau arfaethedig i wneud cyfraddau grant yn fwy cyfartal ar draws yr holl sectorau a'r newidiadau i gyllido costau gwirioneddol teithio gwyrdd wedi cael eu cymeradwyo gan Fwrdd Cyfarwyddwyr ILEP Ltd.
3	Diweddariadau
3.1	Bwrdd Cynghori Taith
3.1a	Yn dilyn proses recriwtio, penodwyd 7 aelod newydd i'r Bwrdd Cynghori ar ei newydd wedd a chaiff y cyfarfod cyntaf ei gynnal ym mis Chwefror. Caiff manylion ychwanegol am yr aelodau newydd eu postio ar y wefan.
3.2	Llwybr 1 2024
3.2a	Bydd Llwybr 1 yn ail-agor ar gyfer rownd gyllido 2024 ar 31 Ionawr 2024 a'r dyddiad cau ar gyfer ceisiadau yw 20 Mawrth.
3.3	Diweddariadau i bolisi
3.3a	Bydd sefydliadau cymwys yn derbyn cyllid ychwanegol ar gyfer Cymorth Sefydliadol gwerth £25 fesul cyfranogwr o grwpiau sydd wedi'u tangynrychioli. Caiff hyn ei hawlio adeg yr adroddiadau terfynol ar gyfer pob cyfranogwr yr adroddir amdano.
3.3b	Bellach, gall staff hawlio am gyllid ychwanegol os byddant yn bodloni'r meini prawf perthnasol. Mae un o'r meini prawf ar gyfer cyfranogwyr o gefndiroedd difreintiedig yn seiliedig ar incwm aelwyd, ac mae'r trothwy ar gyfer hyn bellach wedi'i godi yn unol â chwyddiant.
4	Pynciau i'w trafod
4.1	Gwerthuso effaith prosiectau
4.1a	Hysbyswyd aelodau bod Swyddog Gweithredol Taith yn gweithio ar werthusiad o'r rhaglen a'r effaith ar gyfranogwyr a gofynnwyd iddynt wneud sylwadau at yr hyn y dylai Taith fod yn ei ofyn i gyfranogwr i'w helpu i fesur effaith prosiect.

4.1a(i)	Roedd aelodau'n hapus i rannu ffurflenni a chwestiynau presennol gyda thîm Taith.
4.1a(ii)	Argymhellwyd y dylai Taith weithio gyda Phrifysgol Caerdydd, y mae ganddi brosiect mentora ar y cyd ag ysgolion.
4.1a(iii)	At hynny, argymhellwyd y byddai cynnal grwpiau ffocws (dros Teams) cyn, yn ystod ac yn ddilynol yn fuddiol.
4.1a(iv)	Cafwyd sylw y byddai dogfen werthuso syml/gryno orau, gan gofio prinder amser athrawon.
4.1a(v)	Gofynnodd aelodau gael gwybod o flaen llaw'r mathau o gwestiynau i'w holi fel y gellir eu cynnwys yn eu gwaith cynllunio ac adrodd.
4.2	Cyfarfod traws-sector hanner blynyddol
4.2a	Bydd cyfarfodydd rhanddeiliaid traws-sector ddwywaith y flwyddyn i gynnig cyfle i rannu dysgu a mynd i'r afael â materion traws-sector ar y cyd. Bydd y cyfarfod nesaf i randdeiliaid yn gyfarfod traws-sector gyda ffocws ar grwpiau sydd wedi'u tangynrychioli.
5	Eitemau a godwyd gan aelodau'r grŵp rhanddeiliaid sector
5.1	Ni chodwyd eitemau gan aelodau.
5.2	Gofynnwyd i aelodau am eu sylwadau ynghylch y syniad o gynnal y cyfarfodydd hyn yn draws-sector bob tro neu a fyddai'n well ganddynt i'r cyfarfodydd traws-sector barhau i fod yn hanner blynyddol.
5.2(i)	Roedd aelodau'n ffafrio cadw'r cyfarfodydd sector unigol.
6	Dyddiad y cyfarfod nesaf
6.1	16 Ebrill am ganol dydd (traws-sector)